

## SIPA - TUZILASTVO TK-a

## Samo zajedno do željenog cilja

Direktor Državne agencije za istrage i zaštitu Goran Zubac, u pratnji zamjenika direktora Đure Kneževića, pomoćnika direktora Anđelka Hrgića i Mirze Lišinovića, te načelnika Regionalnog ureda Tuzla Jasmina Gogića, posjetio je Kantonalno tužilaštvo Tuzlanskog kantona. Rukovodioci SIPA sastali su se sa glavnim tužiocem Tomislavom Ljubićem, njegovim zamjenicima i komesarom MUP-a Tuzlanskog kantona Fadilom Šljivićem. Na sastanku je razgovarano o modalitetima i pravcima buduće saradnje u smislu zajedničkih aktivnosti, a obostrano je konstatirano da je dosadašnja saradnja između ovih organa bila izuzetno uspješna, te da će se u tom pravcu nastaviti i u predstojećem periodu.

Također, razgovarano je i o operativnim aktivnostima koje su u proteklom periodu uspješno realizirane, s osvrtom na zajedničku ulogu policije i tužilaštva u konkretnim predmetima, kao tima koji od početka do kraja uspješno zajednički radi punim ka-



pacitetom, uz uvažavanje međusobnih nadležnosti. U tom kontekstu, dosadašnja saradnja ocijenjena je kao izuzetno pozitivan primjer.

Direktor SIPA Goran Zubac iskazao je spremnost za dalju saradnju i istakao da je SIPA na raspolaganju ovim organima, te da je spremna da pruži svaki vid podrške u budućem radu. On je naglasio da SIPA radi punim kapacitetom i da je u svakom trenutku spremna i sposobna da efikasno i profesionalno obavi svaki zadatak. Također, istakao je da je uloga SIPA u sigurnosnom sistemu BiH jasna, ali je svjestan značaja saradnje sa drugim organima za provođenje zakona, budući da se samo zajedničkim radom mogu postići željeni rezultati.